

一東南行，必爲古時墾殖遺迹，雖無遺物可驗，然必與于什博羅久同一時期。因該城有「乾元」錢之發現，可能爲第八世紀之遺址，則第納爾河之繁榮，當亦與之同時。余觀察完後，連夜至窮巴克，輪台草湖考查，至此遂告一段落。

二十三日，復由窮巴克出發，沿大道向西偏南行，過阿爾巴特，二十四日抵托和乃。此爲庫車東境之一大集鎮也。集鎮有街市，在鎮北約二十里有一千佛洞。二十五日，李稽查導余往遊。此地有紅沙山一道，東西蜿蜒，與北山駢行，千佛洞即建於此山脈上。山間泉水湧出，下流灌托和乃莊田，河南岸土阜重疊，佛洞密如蜂窩，東西駢列。西面有佛洞八座，前後對立，中空無壁畫，有二洞中間實土，未開；中部六洞，一洞頗大，頂繪佛像，面爲黑色，眉目用白綫鈎勒；東有佛洞五座，亦無壁畫，共約二十餘處。洞多在山下，穿山而過，前後可通，因土阜本不高大，故可穿過，與庫木土拉依岩鑿室只有一面可通者不同。此間洞形建築，多作上圓下方之穹窿形，洞門旁有窗牖約四平方米，爲古代龜茲國佛洞建築之一般形式，與吐魯番、焉耆佛洞微異。又此間佛洞多作方形，洞與洞相聯，有門及門限。而焉耆、吐魯番佛洞，洞形深長，正殿兩旁有甬道通後室，蓋此地土阜狹小不可能作深洞也。又在佛洞西北旁河有高塔二，旁有紅泥土堆，高低不一，疑爲廟基。因急須赴庫車，未及工作。十二時仍循舊道返托和乃巴雜。八月二十六日，復由托和乃出發，西行至庫車，達到余所欲考察之目的地矣。